



UDRUŽENJE RUKOMETNIH SUDIJA

Ul. Ćemaluša broj 6

71000 Sarajevo

ETIČKI KODEKS

Udruženje rukometnih sudija, Sarajevo

Uvodne napomene

Udruženje rukometnih sudija, Sarajevo (u daljnjem tekstu: URS) je osnovana s ciljem promicanja, razvijanja i unapređenja rukometnog sporta, radi zadovoljavanja potrebe građana za održavanjem, poboljšanjem i unapređenjem psihofizičkih sposobnosti i zdravlja te obogaćivanjem slobodnog vremena sportskim aktivnostima.

Cilj ovoga kodeksa je promocija osnovnih elemenata sportske etike koji su sadržani u konceptu sportskog ponašanja u ključnim načelima:

- poštivanje,
- odgovornost,
- transparentnost i
- pravednost.

Očekuje se od svih članova URS da u svom djelovanju poštuju navedena načela u pogledu ostvarivanja osnovnih statutarnih programskih ciljeva i djelatnosti URS, te poštivanja odnosno izvršavanja njihovih prava, obveza, odgovornosti i dužnosti koji proizlaze iz zakona i drugih relevantnih akata koji uređuju područje sporta.

Nepoznavanje ili nerazumijevanje etičkih standarda ne opravdava neetično ponašanje.

Svi članovi URS dužni su čuvati ugled i dostojanstvo URS kao cjeline, te odgovorno se i etički odnositi prema svojim članovima URS, i prema drugim članovima ostalih udruženja i sportskih kolektiva.

Opće odredbe

Djelovanje članova URS treba biti u skladu s načelom jednakosti i pravednosti. Nisu dopušteni bilo kakvi oblici diskriminacije, zlostavljanja, uznemiravanja ili iskorištavanja.

Članovima Udruge osigurava se pravo na autonomno djelovanje, nesmetani razvoj i napredovanje prema osobnim mogućnostima i planovima URS. Članovi će nesebično i jednako pružati svoja znanja i pomoć svim članovima URS neovisno o religijskom izboru, etničkoj i nacionalnoj pripadnosti, rasi, spolu, spolnoj orijentaciji, životnom stilu, imovinskom



stanju, porijeklu, obiteljskom i bračnom statusu, trudnoći, godinama, invalidnosti, tjelesnom izgledu, političkom opredjeljenju, zdravstvenom stanju ili pripadnosti pojedinom klubu.

Svojim ponašanjem članovi će dostojanstveno predstavljati URS što podrazumijeva iskazivanje poštovanja, prijateljstva, duha zajedništva, fair natjecanja kao i sport bez dopinga, poštovanje pisanih i nepisanih pravila kao što su jednakost, solidarnost, tolerancija i briga o drugome. Svi članovi URS obvezni su izbjegavati i sprječavati sve oblike ponašanja koji uključuju ili imaju znakove nasilja usmjerene protiv pojedinca ili grupa uključujući pismeno i verbalno zlostavljanje, prijetnje, uvredljive komentare, poticanje na nasilje, fizičko nasilje i seksualno uznemiravanje.

Svi članovi URS obvezni su poštivati Statut URS-a, sve pravilnike i akte URS-a, uključujući Etički kodeks, te sve pozitivne zakone i propise BiH.

Svako kršenje etičkih pravila od strane članova može štetiti ugledu URS-a, te narušiti povjerenje javnosti. Stoga se od svakog člana očekuje da svjesno postupa u skladu s ovim Etičkim kodeksom. Od osoba koje obvezuje ovaj Kodeks očekuje se da i izvan djelatnosti URS-a, postupaju u skladu i primjenjuju pravila Kodeksa te izbjegavaju neprihvatljivo ponašanje koje je u suprotnosti s istim.

Javni interes

Javni interes i ciljevi URS-a u sportu su:

- Razvijanje svijesti građana, posebno mladih i lica s invaliditetom o sportu i njegovim vrijednostima
- Doprinos vaspitanju, obrazovanju i razvoju djece i omladine
- Podsticanje i afirmiranje sporta i njegovih vrijednosti kao dijela kulture i ukupnih materijalnih i duhovnih vrijednosti društva
- Očuvanje zdravlja kao osnove svake ljudske aktivnosti, radne produktivnosti, izražavanje stvaralaštva i humanog življenja,
- Podsticanje sistematskog i organiziranog bavljenja sportom u slobodnom vremenu,
- Prezentacija vrhunskog sportskog stvaralaštva na svim nivoima,
- Sistemsko stvaranje uvjeta za ostvarivanje vrhunskih sportskih rezultata,
- Organizacija sistema URS i usklađivanje sa takmičenjima u skladu s pravilima međunarodnih sportskih federacija.

Prava članova URS-a

- Član je obavezan da se pridržava općih i posebnih pravila propisanih Zakonom, zakonima o sportu entiteta, pravilima svojih organizacija i pravilima međunarodnih sportskih asocijacija
- Član ima pravo da:
 - ✓ bude zaštićen od svake vrste duhovnog i fizičkog nasilja,
 - ✓ ugrožavanja slobode ljudskog i sportskog integriteta
 - ✓ zdravlja i sportskog dostojanstva



- ✓ koristi sportske objekte i opremu
- ✓ usluge stručnog rada i zdravstvene zaštite u skladu s propisima kojima je to regulirano

Neprimjereno ponašanje

Neprimjerenim ponašanjem se smatra svako ponašanje suprotno ranije navedenim načelima i standardima ponašanja kao što je primjerice:

- Uznemiravanje i/ili diskriminacija drugih članova URS-a prema religijskoj, etničkoj i nacionalnoj pripadnosti, jeziku, rasi, spolu, spolnoj orijentaciji, životnome stilu, imovinskom stanju, podrijetlu, obiteljskom i bračnom statusu, trudnoći, obiteljskim obvezama, godinama, invalidnosti, tjelesnom izgledu, političkom opredjeljenju i zdravstvenom stanju bez obzira na to je li izvršeno usmenim ili pisanim putem uključujući i sve društvene mreže i web stranice.
- Iskazivanje nesportskog ponašanja na treninzima i/ili utakmicama kojim se šteti ugledu URS (primjerice nepoštivanjem pravila takmičenja, korištenjem nedozvoljenih sredstava i sl.)
- Iskazivanje nepoštovanja prema ostalim sportašima na i izvan takmičenja
- Neprimjerena javna kritika sportaša, trenera, službenih lica ili članova drugih Udruženja i klubova
- Neodmjereno samoisticanje, samohvaljenje i samooglašavanje u sredstvima javnog informisanja.

Pojam uznemiravanja podrazumijeva svako neprimjereno ponašanje koje predstavlja povredu osobnog dostojanstva, ometa obavljanje radnih obveza ili smanjuje kvalitetu života osobe prema kojoj je usmjereno, odnosno neprimjereno ponašanje koje pridonosi stvaranju neugodnih, neprijateljskih radnih i obrazovnih okolnosti, dovodi do zastrašivanja, vrijeđanja i ponižavanja. Svaki član ima pravo uz pisani trag (poruka, slika, sreen zaslona i dr) da izvrši prijavu putem e-mail Disciplinskoj komisiji URS-a na razmatranje. Komisija je dužna nakon pregleda konstatovati i donijeti prijedlog i izjašnjenje o izvršenoj prijavi pisanim putem upravnom odboru URS-a na odlučivanje.

Završne odredbe

Poštivanje odredaba ovoga Kodeksa obaveza je svih članova URS. Ovaj Kodeks stupa na snagu danom donošenja. Izrazi koji su radi preglednosti dati u jednom gramatickom rodu, bez diskriminacije se odnose na muskarce i zene

Sarajevo, dana 18.02.2021. godine
Broj odluke: 09/2021


Predsjednik Upravnog odbora URS-a:

vlastoručni potpis i pečat
(Samir Suljević)